



## **Universitätsbibliothek Paderborn**

**Sancta Communitas, In Paupertate religiosa inviolata**

**Wissingh, Anton**

**Coloniae Agrippinae, 1699**

Cap. XXIV. De communitate, prout opponitur singularitati.

[urn:nbn:de:hbz:466:1-49611](#)

## CAPUT XXIV.

*De Communitate, prout opponitur  
Singularitati, &c.*

*Q.* i. Cur singularitas singulariter vitanda Religiosis. Ante Resp. N. ex S. Bonav. in l. de profectu religios. quod non quilibet singularitas sit vitiosa, & vituperabilis; nam nullus sanctorum est in cælis, qui non studuerit in virtute singulari singulariter esse singularis. Ideoque solum excluditur, & reprobatur I. *Singularitas hypocritica*, per quam quis studet sanctus videri, & non esse: item aliis melior videri cum vana gloria, cum tamen vilior sit: item sua opera avet apud hominum judicia singulariter aliorum operibus, factis, aut dictis proferri: item publicè jejunat, at privatim pauperem in abscondito devorat, & lautiùs epulatur: item vult apparere hominibus jejunans, orans, hæc & alia bona opera faciens; quorum tamen osor, & hostis est.

II. Reprobatur *Singularitas communitatem offendens*; quâ quis ex pertinacis superbiæ judicio, communibus nec credit, nec obedit in Religione exercitiis; sed vult melius aliquid sapere & agere. De qua S. Basil. in sua Regula: *Monachus, qui auctoritate sua aliquid facit, manifestissime morbo superbia detinetur.* De hac & S. Teresia à Jesu monito 33. inquit: *Singularitatem, quantum potes, maxime devita, hæc namque communitatis permulcum nocet.*

III. Si

III. *Singularitas novitatum inventiva*; v.gr. Vult religiosus ire nudipes publicè, dum ejus confratres sunt calceati. Attamen, licet, quæ communia non sunt, foris ostendenda non sint, hac in secreto tuius excentur ut privata. I. i. init. c. 19. n. 5. v. gr. Se disciplinare, expansis brachis orare, super pavimento dormire, cilicium, aut catenam ad carnem portare. NB. *S. Bernardus*, dum audivit, Fratribus suis innotuisse, quod cilicium portaret ad carnem nudam, illico deposuit, ne singularis haberi videretur, qui volebat haberi vilius inter illos, & ut monstrum inter Filios Dei. Proinde vetita est

IV. *Singularitas charitatis offensiva*; quæ generat pusilli scandalum, offendiculum, aut pusillanimitatem. Hinc *S. P. N. Franciscus* nolebat in jejunio fieri aliorum exemplum; immo jubebat comedere, licet ipse jejunaret. *S. Franciscus Salesius* ajebat magis placitum esse Deo cum communitate ex charitate manducare, quam ex sensuali singularitate abstinere privatim.

V. *Singularitas inobedientiae*; qualem habebat ille frater ex ordine *S. Patris Francisci*, adhuc vivente hoc Sancto, qui nolebat cum aliis voce, sed solo nutu confiteri, ex stulto & phantastico praetextu servandi silentii. Quam diabolicam dementationem detexit *S. P. N. Franciscus* aliis Fratribus.

VI. *Singularitas interne vanitatis offensiva*; v.g. qua quis superbè verecundaretur in ordine Minorum mendicare per se ipsum, sed vellet per interpositam personam. Vult meliorem præ aliis vestem habere, &c.

VII. *Singularitas opinionum*; qua quis suam opinionem, judicium, sententiam, aliorum sensu fastuosè præfert, volens plus sapere aliis. Sunt adhuc plures singularitates damnabiles contrariæ communitati laudabili. Pro nunc ad prine:palem quæstionem

R. Ex præmissis notabilibus, singularitatem ideo esse singulariter vitandam, quia est offensiva charitatis, communitatisque, nota superbiæ, displicens Deo & hominibus, virtutis destructiva, & multorum malorum generativa ac nutritiva. De qua audi authoritatem S. Bernardi serm. 19. cant. Ubi dum suorum redarguit nimis indiscretam vehementiam, immo intemperantiam prorsus obstinatam, inquit: *Non vultis esse communici contenti vita--- privata præfertis communibus: propriam voluntatem vestram, ecce, nunc iterum magistrum habetis, non me, non obedientiam, non regulam, &c.*

Idem S. Bern. de XII. gradibus superbiæ, de gradu V. qui est *Singularitas*, sic inquit: *Non sufficit ei, quod communismus monasterii Regula, vel majorum cohortantur exempla. Nec tamen melior esse studet, sed videri-- ad omnia sua strenuus, ad communia piger: vigilat in lecto, dormit in choro, cumque aliis psallentibus ad vigilias tota nocte dormitat: post vigilias, aliis quiescentibus, solus in oratoriore manet, exscreat, & tussit, gemitisbus ac suspiriis aures foris sedentium de angulo implet.* h.s.

Idem S. Bern. serm 6. de Ascens. Domini prope finem. *Falleris Thomas sancte, falleris, si videre Domi-*

Dominum speras, ab Apostolorum collegio separatus. Non amat veritas angulos: non ei diversoria placent: in medio stat, id est, disciplina communi, communi vita, communibus studiis delectatur. Hæc conscientiosè pariter & doctrinaliter Doctor mellifluus.

*Q.* 2. An singularitas hoc modo sumpta sit etiam offensiva communis vitæ regularis, prout à me in toto hoc libro propugnatae. *R.* affirm. Nam, quidquid opponitur sanctæ charitati, opponitur etiam S. communitati, impeditque proiectum ejus; quia nil æquè nocivum bono communi, ac peculiaris singularisque sui ipsius quæstio; quæ dum in Religioso semel altam jecit radicem, non habebit tam citò

F I N E M.



G 4

JESU,